

張季子九錄

詩錄

冊  
辛

卷之二十一

七

詩錄

卷三 自清光緒十四年戊子訖二十七年辛酉

爲曹大令懋功題其祖曹孝子閩歸集

閩海波潮迴。江天日月高。斯人傳孝義。遺詠見風騷。明德開孫子。交驪託掾曹。獨應慚蓺黍。猶與誦伊蒿。

清河至贛榆道中十首

三載三經公浦路。東西南北鎮勞人。無端磊落欽崎客。又向荒涼寂澗濱。舟車再易太匆匆。中運河干載短篷。儘有春愁消不盡。船頭聽雨又聽風。聞道河流足運鹽。春來浮送不須錢。何當一片西來水。流到梁園舊客前。高岸平陵接下陂。春陰滿路釀黏泥。烏犍逐艸都閒放。小麥抽苗已斬齊。盡日迂迴苦計程。山川風物證圖經。唯聞板浦供酸酢。安得雲臺鬪茯苓。上市葫苗正及鮮。販魚車子更田田。今年海上真豐稔。日日微陰小雨天。鰲池澆井疲村戶。覆甕蘊墟祀社公。直是民貧祈報儉。不如小鬼在秦中。

不蠶不織不晨梳。村婦村娃日坐娛。誰復長官林大埔。

前海州知州林達泉

木棉種絕女

桑枯。

防倭自昔海東頭。列戍連烽亦大州。容易麻姑見塵起。峨檣今不度鷹遊。  
江南三月亂鶯飛。故國風光客所知。愁絕滄波千里外。東風裁到野棠梨。

太倉知州莫君善徵

祥芝

挽詞三首

上相專征日。羣公際盛來。十年參幕府。百折試雲雷。洵美邦之直。當官衆所推。  
開明兼理幹。吏事有天才。

治亦循貞定。名還偶邵亭。

君兄子傀先生友芝

父兄今絕學。儒吏古通經。一謁文翁舍。重

陪單父庭。卽談農圃計。都見老成型。

卜宅終何許。歸田事更虛。空悲田豫志。未報秣陵書。京國炎風苦。婁江夜雨疏。  
淒酸懷舊德。經過益躊躇。

檢書看劍圖題辭

兔園挾冊擁清班。馬廐搖鞭亦大官。寥落西川杜工部。真將窮餓怨儒冠。

學書我亦鈍如椎。仗劍誰能氣似霓。卽事語君成一笑。人間得失萬蟲鷄。

歸田圖題辭

田野由來好。園林況爾新。人情愛芳艸。天氣惜餘春。絲竹中年感。兒童退處親。看君圖畫意。吾亦倦風塵。

寄叔兄江西四首

時將至梁口釐差

往君初出門。秋原帶殘暑。一會涉冬春。宣南三日佇。苒苒冰霜枯。假歸再相聚。首尾三載中。邇迴幾笑語。繫余兄弟間。離合動乖午。江淮與遼海。蹤跡紛可數。況乃杖孤策。艱難客都護。辰商而晉參。彼此各易處。安得少小時。歡然相翕煦。宦海灝無際。因風湊羣漚。偶焉寄其間。寧當計湛浮。豈無非常士。束縛不自由。豈無學道人。湛冥終白頭。君初仕爲令。俛仰滋慚羞。苦心耐煩辱。以赴繩墨求。決獄亦細事。安貧性所柔。何當百僚底。歲月聲名收。豈不賴抽激。長官要相優。人貴彊自植。公道無時休。

天下苦兵爭。乃假車船算。朝廷有本意。何云較均幹。游民與冗吏。緣名利壟斷。

下各飽所私。上猶中課勸。嗟哉道路吐。步步澀憂患。我家世力農。辛苦自習慣。君讀從政書。一編曾繾綣。民隱當蘇存。官用有程憲。平亭斟酌之。兩全豈無間。幸可爲孔戣。尙應恥劉晏。

常熟

翁尙書同龢

昔謂君理幹。過于季。謂君甚謹質。吳縣

潘文勤公祖蔭

所爲地。子培當代

賢。獨許悃幅吏。長官最君能。而復兩其意。體用略在茲。充盛固匪易。世當多難初。生居衆人裏。虛名爲實囚。橫福來鬼忌。儉德以自臧。令聞保終始。載詠小雅篇。深維脊令義。駒駒遠相勸。秋江永千里。

奉和袁爽秋侍御都門贈行卽用其韵

云胡昔不樂。拄劍客江介。顧聞桐廬袁。乃適以茲會。無端京師遊。素冠逐飛蓋。旅居隔衡街。叩門得所居。寫誠款通襟。高言破纖璲。當時宣武南。風節盛冠帶。名竟氣以囂。道長理或泰。自此六年別。人事日徽纒。君方仕爲郎。默守柱史戒。下走遼海歸。氣與風濤汰。所更寧一端。坐覺胸次隘。退求農家言。遠希笠澤瀨。開門偶應舉。小祿庶以賴。不爲大敵勇。敢同衆人敗。君方備臺諫。智略洞中外。

峨峨神羊冠。耿耿朝鳳臙。上以啓堯舜。下亦厲曹鄴。何當羨歸耕。邈焉寄深喟。出都酬沈子培

被放歸時。子培方病。臨發之晨。柬詩一章。蓋中夜而作者。車中往復。悽動心脾。寧惟離別之傷。抑亦風義之感。因酬二詩。

六載經三別。連懽得幾朝。有時偕近局。相過必中宵。孤憤融朱穆。虛懷禮鄭僑。由來隔衢巷。尙覺路迢迢。

祇我成樗櫟。虛君卜茹茅。高深文字寄。堅苦雪霜交。斯世當相惜。旁人或見嘲。秋來寥闊意。斗北向珠巢。子培所居之街

附子培贈詩

荒陬重爲別。意氣不能驕。病假衰顏示。情緣減劫饒。定心知懔懔。削積想迢迢。有約張元伯。無令歲過交。

聞下斜街舊寓。因雨盡圯。寄可莊勛臧。曷季兼示蘇龕。

但不求通百不窮。權之自人天無功。天巧有時偶相值。意存避就非英雄。都門

二月上名牒稅駕初主舍山翁

嚴編修家讓

糞除所舍使舍客老屋搗鄣裁遮風提

書趨試客既去一夕柱折頽垣從巖牆知命古所訓推宅相借君尤通下斜街  
北街之東廬舍古木疎篁中晨興愛坐几席綠夜歸遙識簷鐙紅漫然從人攷  
坊巷查家舊址塵冥濛況乃居此董市月拂衣南下旋匆匆文章猶自愧方叔  
宿處誰復知林宗成以何日敗有數屋不負人天至公生平恥說王夷甫天下  
何來石世龍

檢粵雅堂叢書寄王可莊修撰

楚庭耆舊舊吟廬百八叢編易世儲豪舉猶徵民氣樂肇刊況直我生初

書凡百八

十五種咸豐三年伍崇曜始刊自三編季滄葦書目後光緒元年伍紹棠刊

故人拜賜珍千緡使者歸朝載幾車辛

苦人間有林窟肯令感激飽蟲魚

題安吳包倦翁論書篇後用東坡醉墨堂韵索子培蘇龔和之

古今評書究筆法如入市鬪常不休安吳晚出獨精絕抉摘剡露神鬼愁其言  
洞洞豁翳障以方虔禮彼何瘳校量南北別宗派大都得力山東遊軒劉壩輕

翁方綱

訂蘇董妙解時足開煩憂於石辨墨論尤剋但史非士誰當羞自翁去

後四十載來者相踵如成邱撥鐙聞之李大理

聯琇

暮年悔者何道州

紹基

間

從濂亭

武昌張裕釗

叩要領平腕轉筆資推求雄強洞達始平實遠効寧可旦夕收

沈侯於此信非袒鄭君所得今已優相期努力造通會無嫌墨瀋烏菌稠

### 初秋偶興寄蘇堪

秋至忽如客遠歸差自賢得侍老親疾重翫閑居篇支牀就榮蔭薤艸清垓埏  
檀因辟惡蒸茗以益思煎佳日輒有會新涼時一延薦新得明齊分餞招華顛  
桑紺夙醕釀稻碧初鎔鑪錯兼紫文蛤鱠佐黃頭鯉本非極飲饌不取甚濃鮮  
諧談落纖緯既醉猶初筵有時督園圃任意從林泉與桐釋縛蔓爲芟形叢蓮  
辦榆郎姑種展竹西南鞭花幽桂樹短林晶柿實圓卻病備杞鞠含芬愛橙櫟  
來鶯語已熟孳雀巢所便狀隨艸木叩經略禽魚詮廣之通異域證之實前箋  
或讀道書罷或諷仙詩焉所規扶海圻寧減桃源天得地且種樹買隣安有錢  
懷哉鄭夫子京國方迍邐嘗訂元白約共追皮陸緣此事竟何日懸慙企歸田

晏歲當乞假。過江常有船。倘來菰蘆中。歡喜聊周旋。

題縵卿所藏徐高士<sup>枋</sup>畫山水

往歲深冬月在子。曹侯跼然款門至。手中一燈絹本畫。自云所得頗匪易。侯家世本長洲。亂後還家認鄉里。湖田歷歷但荒虛。山市蕭蕭羸戰壘。罕從故閭論收藏。時見老兵賣縑紙。售金易餅都適然。寶鼎康瓠亦聊爾。眼明尺幅煙雲開。題名上方徐侯齋。旋驚又喜姑置哉。聽持之去與之偕。瞥若重遇臨衢街。招呼共入酒家飲。一斗竟博涼州回。裝池鄭重得完好。懸供高閣賓尊疊。徐曹先世故親舊。相對一日三徘徊。我聞高士暮年築艸堂。恰枕天平麓。斷書甲子永初年。謝絕車徒子真谷。偶然作畫易所須。來往人間驢徑熟。畫本巨然參倪黃。此仿關仝信晚作。高裁二尺三寸強。應知略稱驢肩麓。其年壬子支曰申。去高士卒周兩春。當時所畫豈一二。散落所獲彌瑰珍。靈巖支硎高嶙嶙。山水如畫含清醇。祇今世習鮮卑語。不見長歌肥遯人。

錄甲申以前詩八十餘首寄石公附柬三首

昔我嘗爲盩山客。今年盡讀盩山詩。湖山到眼秋仍好。冰雪看君世未知。  
滄海東頭鄭舍人。歸時時復壯君貧。祇今誰是談詩侶。拾橡山中正苦辛。  
工詩何與窮愁事。藉遣窮愁亦未賢。我已安排扶海圯。不妨早晚寄吟箋。

薛廬喜晤石公敬懷桑根先生

邂逅曾無約。羈栖尙此才。文章池館託。風日酒尊開。便使登三策。都應感八哀。  
永令堂下路。落葉浩成堆。

河督奉新許公以哀逝百首見示奉寄

傳聞都水擁旌旄。大月東西矚伐高。一夕悲哀纏百詠。幾人銘誄禿千毫。愁中  
魯酒真嫌薄。塞後宣房正復勞。鈴閣宵長官燭冷。通禪參佛故應豪。

爲王子翔庶常題其太夫人課孫圖

通德高門世所聞。蒙陽高節況嶙峋。貽孫至老傳經學。有子登朝侶近臣。差幸  
五花榮一命。故應寸艸負三春。傷心獨對南風棘。四十平常下第人。

奉呈常熟尙書四首

東坡初出門。獨嚮歐陽子。昌黎掖後進。拳拳在張李。古人慎所緣。身名託終始。攀躋猶及公。州郡忝鄉里。十年遼海軍。苦辛狎泥滓。公與幕府牋。問訊輒書尾。知公大雅人。等閒不足擬。憂患能知幾。恂慄斯有斐。

少小盛氣志。頗亦羞羣狙。家世服農畝。不眩車輪朱。上稟二人訓。下規千載圖。江河絕東寫。日月駸西徂。中間氣振蕩。萬物飛蓬俱。常恐願力薄。墮此禮義軀。悠悠迫中歲。四顧增踟躕。踟躕思古人。遙遙唐與虞。

寸志不可遂。萬事皆塵埃。猶是中國民。帝京時一來。昔歲荷推舉。冥冥如天開。公今再薦士。隔絕中路霾。由來得喪際。出入材不材。公心照四海。涕泗生枯荄。不遇故細事。纏綿惻中懷。丈夫尙施報。所報安恃哉。

昏昏九衢塵。有官未云樂。騰騰萬人海。機利迸鋒鏑。獨念平生交。肺腑相煦燠。驅車出國門。連朝輒心惡。況與夫子親。眷睠重邱嶽。八年四回別。此別非疇若。才鈍語易枝。戚均慮無壻。江鄉有閒田。先歸料鉏耰。

瑞安黃先生以六十自壽詩見示報罷將歸賦詩爲獻

當代皇家瑞昭昭。獨有公舊勛契彭左。清望歷咸同。報國成孤憤。容臣是兩宮。推排何所憾。瘖俗況兼聾。

一被論兵罪。終遷執法官。人尊司馬節。朝重惠文冠。無補臣當去。厪憂帝未安。角巾栖輦下。炯炯此心丹。

却貴求貧樂。嫌醒被醉譏。就花親寺院。賒酒量朝衣。有子賢能孝。無田隱當歸。當筵誰奏笛。猶唱鶴南飛。

媿是年家子。叨逾不厭頻。分均諸弟列。愛識丈人真。將夢扶頽翼。增酸撫困鱗。唯餘一寸意。長願百齡春。

被放將歸意。園祭酒貽書。謂僕與君交。大似余廷心。之於戴九靈時人。擬之泰不華之於袁石山農者妄也。謬何足當斯語。重悲感。惜奉詩。

### 呈別

有蟲無堅堂。有螬無完胃。堂傾與衆罹。胃腐獨身祟。寢傾寢腐時。相忍用深諱。一螬一世界。一蟲一智慧。奈何胃與堂。如聞結遙愜。

范武但祈死。正則能哀歌。其言至傷心。荒忽搜天魔。分止摧一身。報君理則那。高皇有成命。肺腑凝山河。性命有事在。惟悴將如何。

大構非一材。大樂非一器。材器無小大。欲儲辨真偽。千金買跛驢。良馬將不至。寸轡控飛龍。應者皆下駟。君子貴知言。與人見真意。

長河有伏流。冥冥自王屋。及其出地時。所在怒漩復。操舟試中流。不到更無陸。國工臨劫基。先幾料收局。假哉一子顛。奚翅衆人辱。

少年攬八極。常懷無窮思。臨當軌轍阻。方悟輪轂非。不當改輪轂。將歸中新炊。戢影事耕釣。四十更不遲。徐茅中路語。謬也聞知之。

夫子枉相假。自來太學初。遭時一詬斥。所假彌有餘。深心出苦語。校量攀戴余。天命人事間。獨公費踟躕。流涕望千載。息壤猶區區。

因勗臧舍人索諸果木於馮果卿同年

汝桓

百年已決爲農計。四海常參種樹書。都道馮園名日下。千花萬藥衛精廬。江鄉翠栢不易得。文果哀梨得更佳。期與清溫長孫子。不愁變枳橘逾淮。

馮君尚有河南樹。乞與更煩王舍人。引水開園寧小事。安心接待九州春。

爲祁君烏

師曾

題張石公錢獻之石經題名冊

乾嘉老輩都堅卓。便好虛名亦認真。韋氏一經家法在。期君不作等閒人。

中秋日附舟省叔兄於江西

去年重九日。霧曉出江壩。歷閏裁周歲。辭家又趁船。秋隨佳節換。月向旅人圓。未甚悲離別。匡廬在眼前。

至貴溪喜晤叔兄

連山落水到灘分。枕水山城帶暮雲。入境但饒風俗簡。逢人已說長官勤。文書堆裏鴉翻樹。衙鼓聲中豕散羣。難得阿兄真耐苦。歸能歡喜報嚴君。

別叔兄歸里

見惟旬日別經年。臨別朝來倍惘然。量帶略同三尺舊。檢梳時訝一絲宣。人間憂樂都無賴。海內文章亦浪傳。隨分終期早歸隱。艸堂果木半齊肩。

古樟

翳翳陰崖日。沈沈絕壑飈。孫枝千象肘。別幹五牛腰。積葉從教腐。纏籐亦自翹。但無雷火及。山鬼儘招搖。

玉山女

迴溪繚層巘。一掩一重間。過客時停矚。村姝有好顏。芙蓉當粉靚。茜艸爲裙殷。不羨藍田璧。兒家住玉山。

明日

明日仍愁雨。來灘已恐人。歸心千里疊。殘夢一燈親。

雨中望上饒諸山雲氣

將雨山雲忽際天。有時山忽上雲顛。晚來更被橫風擾。萬點青蒼盡化烟。東崦纔晴西崦雨。南峯旋沒北峯明。不知何處雲無事。坐聽灘頭新漲聲。

上灘二十二韻

歸路初桃迴。臨灘拾級同。水從玉山下。舟溯貴谿東。磊砢連層碎。陂陀會一洪。坻痕新漲到。礧道昨宵通。隙隘流逾激。巖回灩復沖。射催千羽勁。挽失萬牛雄。

大達翻平妥。將旋卻渾融。自然成搏躍。一瞥遽投空。灑灑驚翻鶴。輝輝沒飲虹。  
亂披瑠玉佩。纖次水晶葱。組練飛旂撓。琉璃覆盎盅。跳珠聽的歷。噴雪併玲瓏。  
正爾諧琴筑。時還中徵宮。蘇眠蠶簇葉。合陣鳥喧叢。洵洵晴都眴。囁囁語忽聾。  
蘊修齊偃碧。楓落偶漂紅。響近兼知碓。停多欲下賦。丸支九折阪。弦轂六鈞弓。  
夜嘯愁山鬼。朝泅見裸蟲。更無巫峽夢。沉滯石尤風。傍鷺頻炊飯。窺魚輒柱篷。  
未妨歸路緩。鎮日數南鴻。

### 水碓二十四韵

長森忽盈耳。前灘已當目。坻碕燕尾分。礪砢魚鱗蹙。竭一弛一張。水一要一束。  
據險利相遮。吸遠勢逾蓄。急溜所推排。輻輳至神速。層阪躡圓梯。飛輪幹長轂。  
飄沫細如霏。旋注驟疑漉。但覺軒輶中。未嫌機巧熟。伊嚶軋復鳴。訇磕響更續。  
一鳴已一周。一周知幾蹴。鎗轄脂兩頭。牙業森四角。時後而時先。更起而更伏。  
或如鷄引吭。或如鶴俛喙。或如龍爪拏。或如象齒卓。騰中如投壺。迴空如踰鞠。  
吐吞利白殼。牽引與聾觸。何分秬秠秬。以次糲粳糲。得糠豕饕餮。爭粟雀吟踣。